

senioribus inpendant; sitis enim sicut unum corpus, alter alterius membra, ut in omnibus honorificetur Deus et omnes aedificentur, et omnes ad gloriam perpetuae beatitudinis pervenire mereantur. —804
Rom. 12, 15.
1. Petr. 4, 11.

Scripsi vobis has paucas litterulas ex caritatis fonte, non quasi ignorantibus, sed
5 quasi haec omnia melius scientibus¹, et in Deo diligentius perficientibus; et ut meam
circa vestram salutem, immo et omnium servorum Dei cognoscatis voluntatem; et ut
familiaritatem animae meae sciatis apud vos. Vestra vero bonitas et fraterna humili-
tate legat et solita pietate recipiat quae vobis scribere curavi. Deus vero, totius
consolationis pater, vos ubique consolari dignetur et ad aeternae^a beatitudinis regnum
10 pervenire concedat, cuius laus sit semper in ore et in corde caritatis vestrae; quia haec
est sanctorum vita, laus bonitatis Christi et caritas in praesentia illius, quae numquam
excidit^b, numquam praeterit^c, numquam fastidit; et quicumque saepius in his in hac
mortali vita versatur, maiorem sanctorum angelorum similitudinem habet; angeli vero
Dei semper in vigiliis Deum laudant; et qui vigilare studet ad laudes Dei, angelicam
15 vitam agit in terris; et quod omnes sancti acturi sunt in caelis, temporibus secundum
humanam fragilitatem statutis agit in terris. Non somnus, non saeculare desiderium,
nec vana cogitatio inpediat cursum religionis vestrae, et laudes divinas, ut angelice
visitationes inveniant unumquemque^d vestrum in loco suo stantem Deumque laudantem.
Igitur qui in hac mortalitate Deum laudare student, in felicitate perpetua cum psalmista
20 cantare habent: 'Beati, qui habitant in domo tua, Domine, in saeculum saeculi lauda-
bunt te'. Ps. 83, 5.

Sanctam vero unanimitem vestram, carissimi fratres, dominus Deus in omni
proficere faciat bono, et ad aeternae beatitudinis felicitatem pervenire concedat, dilec-
tissimi fratres.

279.

25 *Alcvinus mulieribus duabus in prosperis et adversis aequanimitatem servare suadet
exemplo sanctorum, quorum vitas et miracula eas legere vult.* —804.

Cod. H f. 93—94'.

Edd. F 190, J 300. — Migne col. 379.

IN CHRISTO CARISSIMIS PERSONIS SORORI ET FILIAE² PIETAS PATERNA SALUTEM.

30 Gratias agimus divinae clementiae de vestra prosperitate et salute et de omni-
bus bonis, quae illius ineffabilis misericordia vobis condonavit. Etiam et illius con-
tinua voluntate laudamus pietatem, qui nobis licet indignis tam fidele solacium et tam
dulcem caritatem in vestra dilectione contulit. Unde et necessarium est omnibus in
Christo pie viventibus illius supereminemtem laudare gratiam, qua humano generi
35 misertus est; et quicquid boni egerimus, ad illius semper referre benignitatem, sine
quo, ipsa veritate attestante, nihil efficere valemus. Ioh. 15, 5.

In qua bonitate vestra semper unanimitas laeta remaneat; nec adversitatibus
saeculi vel infidelitatibus mundi amatorum frangi debet; nec tristitiam habere, licet
nobis multa eveniant adversa. Sic est huius praesentis vitae varietas, ut prospera
40 semper misceantur adversis; sicut dies nocte immutatur³; sicut sanitas corporis morbis
supervenientibus afficitur; sicut flos iuventutis senectute superveniente marcescit⁴; sicut
aestatis tranquillitas hibernalibus atteritur tempestatibus. At nihil horum religiosam

^a) aeternam H. ^b) excedit H. ^c) praeteriit H. ^d) unum quamque H.

1) Cf. supra p. 111 l. 33; 117 l. 17; 232 l. 29. 2) Gundradae et Theodradae? Cf. Sickel Alcuin-
45 stud. p. 498. 3) Cf. supra p. 152 n. 3; 314 n. 3. 4) Cf. Alc. de clade Lindisfarn. monast. v. 111 (Poet.
Carol. I, 232): marcescit tota iuventus.